

Ճանապարհային ոստիկանության. վարչական տույժ նշանակելու մասին 13.12.2018թ. թիվ 1808883295 որոշումն անփոփոխ, իսկ վարչական բողոքն առանց բավարարման թողնելու մասին

<<17>> 01 2019թ. 17-13-135001-18/17-13-112

ք.Երևան

ՀՀ ոստիկանության ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս վերանայելով Արմեն Բարսեղյանի դիմումի քննարկման արդյունքում ստեղծված նյութերը՝

Պ Ա Ր Ձ Ե Ց Ի

Երևան քաղաքի Փավստոս Բյուզանդի փողոցի 97 տան բնակիչ Արմեն Բարսեղյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 1808883295 որոշումը՝ նշելով, որ տրանսպորտային միջոցի խափանման պատճարով է կանգառ կատարել <<Կանգառն արգելվում է>> ճանապարհային նշանի ազդման գոտում:

Դիմումի քննարկման արդյունքում պարզվել է, որ վարչական ակտը բեկանման ենթակ է՝ հետևյալ պատճառաբանությամբ.

Դիմումատուին վարչական պատասխանատվության ենթարկելու մասին թիվ 1808883295 որոշումն օրինական է և հիմնավոր, քանի որ իրավախախտումն ամրագրած տեսանյութի լրացուցիչ ուսումնասիրությունից պարզվել է, որ 21.09.2018թ. ժամը՝ 14:27-ին դիմումատուի տրանսպորտային միջոցը Երևան քաղաքի Աբովյան-Թումանյան փողոցների խաչմերուկի հատվածում տեղակայված է ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 22-րդ և 23-րդ կետերի համաձայն՝ հարկադրված կանգառի դեպքում, **պետք է միացվի վթարային լուսային ազդանշանը և անհապաղ տեղադրվի <<Վթարային կանգառ>> ճանաչման նշանը:**

<<Վարչարարության հիմունքների և վարչական վարույթի մասին>> օրենքի 43-րդ հոդվածի 3-րդ մասի համաձայն Եթե սույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ բացառապես տվյալ անձի միջոցով, ապա ապացուցման պարտականությունը դրվում է այդ անձի վրա, սակայն դիմումատուի կողմից չի ներկայացվել դիմումով նշված հարկադրված կանգառ կատարած լինելու փաստը հիմնավորող որևէ ապացույց:

Ճանապարհային ոստիկանության վարչական տույժ նշանակելու մասին թիվ 1808883295 որոշման հիմքում դրված տեսանյութի լրացուցիչ ուսումնասիրությունից պարզվել է, որ դիմումատուին պատկանող տրանսպորտային միջոցը կանգառ էր կատարել <<Կանգառն արգելվում է>> ճանապարհային նշանի ազդման գոտում: Տեսանյութում տրանսպորտային միջոցի անսարք լինելը հավաստող որևէ դրվագ չկա և վարորդը որևիցե գործողություն չի կատարում ենթադրյալ անսարքությունը վերացնելու ուղղությամբ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 13.12.2018թ. թիվ 1808883295 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Արմեն Բարսեղյանին:



Ն. Սարգսյան